



Inatsisartut Aningaasaqarnermut Akileraartarnermullu Ataatsimiititaliaat
/ maani

**Oqaaseqaatit – AIS 2014 pillugu Aningaasaqarnermut Ataatsimiititaliap
Naalakkersuisumik apersuina, 14. oktober 2013**

13. oktober 2013
Sagsnr. 2013-090740
Dok. Nr. 1363157

2014-imut Aningaasanut inatsimmut Naalakkersuisut siunnersuutaannut tunngatillugu
Aningaasaqarnermut Ataatsimiititaliamut itisiliillunga oqaaseqateqarnissannut
periarfissinneqarnera pillugu qujavunga.

Postboks 1029
3900 Nuuk
Tlf: +299 34 50 00
Fax: +299 32 20 73
Email: iiknn@nanoq.gl
www.nanoq.gl

Naalakkersuisumik apersuinissamut Ataatsimiititaliaq tallimanik apeqquteqaateqarpoq,
taakkulu ataani apeqqutit tullerriaarneri malillugit akiniarsarissavakka:

Apeqqut 1

Apeqqummut tunuliaqutaasoq:

*Apeqqut 9.2-mut Naalakkersuisup akissutaa konto pingaarneq 40.02.01-imut
tunngasoq.*

*Naalakkersuisumik apersuineri akineqartussatut Aningaasaqarnermut
Ataatsimiititaliap apeqqutaa:*

- A) *Nuummi ilinniartut ilinniartunut inissiamut inissinneqarsinnaasimangitsut
allamut inissinneqarnerat qanoq akeqarnersoq paasissutissiissutigineqassasoq
ataatsimiititaliamit kissaatigineqarpoq.*

Akissut: Aningaasartuutit eqqortut ilinniartut amerlassusiannut Nuummilu inissianik
attartortitsineri inissisimanermut tunngatillugu allangorarput. Pingaarnertut
malitassaq tassaavoq ilinniartup ataatsip ilinniartut inaasa atavataanni inissiineri
ilangaaseereerluni aningaasartuutit qaammammut 5.000 kr. missaaniittut. Ukioq
manna ilimagineqarpoq 750.000 kr. – 1.250.000 kr. akornanni saniatigut
aningaasartuuteqarnerunermik kinguneqassasoq. Aamma 2012-imi taamatut
pisoqarpoq.

Inissiaq attartorneqartoq apeqqutaalluni tassunga peqatigitillugu immikkut ittumik
pequtinut aningaasaliinissaq pisariaqarsinnaavoq. Taakkuli nalingi allangussanngillat,
tamassumalu kingorna KAF-ip pequtinik toqqorsiviani nalinginnaasumi
ilanggunneqassallutik, taamaammallu piffissami sivisunerusumi pequtit
nutarternissaannik nalinginnaasumik pisariaqartitsineq annikillissalluni.

Qularnangilarli ilinniartut, ilinniartut inaannut pisortat pigisaannut inissinissaat
inuiaqatigiit aningaasaqarniarnerannut akikinnerungaassasoq.

- b) *Nuummi ilinniartunut inissiat piffissami sivisuumi malunnaatilimmik
amigaataaneri ajornartorsiutaavoq. Sermersuup kommuniata tamatumani*

pisussaaffimminik isumaginnissinnaanerminut piginnaasaqarnera piumassuseqarneralu Naalackersuisunit malitseqartinneqalersaarpa?

Akissut: Kommunit, kommunit ilinniartut inaanni / inuusuttut inaanni atugassiinissamik pisussaaffiveqarnerat pineqanngilaq. Taakkunannga sanaartorneq kommunini politikikkut tulleriinnilersuineruvoq, taamaammallu tamanna qineqqusaarnermi qineqqusaareernermilu kommunini politikerit kommuninilu qinersisartut akornanni tulleriinnilersorneqartarpoq oqallisigineqarlunilu.

Naalackersuisut kommuninut oqaatiginikuuaat ilinniartunut inissialiormi aningaasat suli pingaartinneqassasut, taamaalilluni illoqarfinni ilinniarfiusuni ataasiakkaani inissat ilinniartut illoqarfimmi ilinniarfiusumi angerlarsimaffeqanngitsut ujartugaat amerlaqatigissinnaassallugit.

Isumaq tamanna Naalackersuisut aalajangiusimaniarsaraat, tassungali peqatigitillugu paasillugu kommunini ilinniartut inaannik tulleriinnilersuineq kommunit suliasarigaat, taamaammallu tamanna pillugu annertunerusumik salliutitsinissamik piumasaqaat kommuninut qinersinernut atatillugu kommunini ataasiakkaani innuttaasut saqqummiuttariaqarlugu.

Apeqquut 2

Apeqqummut tunuliaqutaasoq:

Apeqquut 9.10-mut Naalackersuisup akissutaa konto pingaarneq 40.90.13-imut tunngasoq.

Naalackersuisumik apersuinermi akineqartussatut Aningaasaqarnermut Ataatsimiititaliap apeqqutaa:

a) *Apeqqummut Naalackersuisup akissutaa ataatsimiititaliamit ima paasineqarpoq; tarnikkut inooqataanikkullu nuna tamakkerlugu ilinniartunik siunnersuisarfiup siuner-tarigaa ilinniarfinni naammassinnittartut procentiisa amerlinissaat aammalu ilinniartut innuttaasullu Piareersarfittut tamarmik pitsaanerpaamik inuuneqalernissaat kiisalu atorerluinerit ingerlateqqinneqarnissaasa pinaveersaartinneqarnissaa. Taamaalillunilu atorerlunneqarsimasut pitsaanerusumik inuuneqalernissaannut suliniarneq allat taamatut neqeroofigineqarnissaannik mattussinngitsaq. Naalackersuisup oqaaseqaateqarnissaa qinnutigineqarpoq.*

Akissut: Ataatsimiititaliap paasinninnera eqqorpoq.

Apeqquut 3

Apeqqummut tunuliaqutaasoq:

Apeqquut 9.15-imut Naalackersuisup akissutaa konto pingaarneq 40.92.10-mut tunngasoq.

Naalackersuisumik apersuinermi akineqartussatut Aningaasaqarnermut Ataatsimiititaliap apeqqutaa:

a) *Apeqqutit sorliit suleqatigiissitamit suliarineqarsimanersut aammalu aningaasaqarnikkut ajornartorsiutit suut suliarineqarsimanersut erseqqissarneqassasoq ataatsimiititaliamit kissaatigineqarpoq.*

Akissut: Soorlu akissuteqaammi ersittoq suleqatigiissitaq naapinnikuunngilaq, taamaammallu ajornartorsiutinik aningaasanullu tunngasunik suliaqarnikuunani.

b) *Højskolit aningaasaqarnikkut ajornartorsiutaat qanoq aaqqinneqassanersut isumaqatigiissutigineqarsinnaanngippat aningaasanut inatsimmut kingunissai ataatsimiititaliamit paaserusunneqarput.*

Akissut: Soorlu AIS 2014-imi ersittoq maannakkut tunngaveqarnermi eqqarsaataavoq højskolit aningaasaqarnikkut tunngaviit allanngortinneqassanngitsut. Taamaammatt maannakkut tunngaveqarnermi aningaasanut inatsimmut sunniuteqassanngilaq.

Naalakkersuisut eqqaasitsissutigissavaat højskolit kattuffiusut / suliffeqarfiusut namminersortut, taamaammallu aningaasatigut tunngaviit allanngorneranni pisortat akuliunnissaannik pisariaqartitsiviunngitsumik højskolit ingerlatsinerat neqorooruteqarnerallu niuerfimmud naleqqussarnikkut aamma anguneqarsinnaallutik.

Tamassuma saniatigut højskolit pillugit inatsisip 2010-mi kingullermik allanngortinnerani erseqqarissumik ammaassiffigineqarpoq højskolit nalinginnaasumik perorsaataasumik ilinniartitsinissamik neqorooruteqarsinnaanerat killilersorneqarunnaartoq, kisiannili ilinniartit tassunga attuumassuteqartut suleqatigalugit piginnaasaqarfiulivissunik iliniartitsinissamik neqorooruteqarsinnaallutik.

Apeqquut 4

Apeqquummut tunuliaqutaasoq:

Apeqquut 9.18-imit Naalakkersuisup akissutaa konto pingaarneq 40.92.16-imit tunngasoq.

Naalakkersuisumik apersuineri akineqartussatut Aningaasaqarnermut

Ataatsimiititaliap apeqqutaa:

a) *Tamanna pillugu kikkut inatsimmi pineqarnerisut pinnagu Oqaatsinik Pikkorissarfiup ilinniartitsinermik ingerlatsinera kikkunnut naatsorsuussaanaersoq paasissutissiissutigineqassasoq ataatsimiititaliamit kissaatigineqarpoq. Taamaattumillu Inatsisartut imm. UKA 2013/80-imit suliarinninnerat tunngavigalugu kalaallit oqaasiisa ilinniarnissaannut siammarternissaannullu periarfissat annertusarneqarnissaat siunertaralugu Naalakkersuisut Oqaatsinik Pikkorissarfimmud saaffiginninnissaannik oqaaseqaatini itisileqqullugu Naalakkersuisoq qinnuigineqarpoq.*

Akissut: Ilinniartitsinerni ilinniartinneqarniartut tassaapput inatsimmi ersittutut innuttaasut tamarmik. Tamanna pissutigalugu ilinniartinniarniartut killilimmik nassuiaasersorneqarsinnaanngillat, tassa pikkorissarnermiit pikkorissarnermut annertuumik allanngorartoqartarmat, taamaammallu inuiaassuseq, ilinniarsimanerup qaffasissusia, ukioqassuseq suiaassuserlu apeqqutaatinnagit innuttaasut pineqarlutik.

UKA2013/80-imi Naalakkersuisut oqaaseqaataat imatut paasineqassaaq Oqaatsinik Pikkorissarfik (matuma kingorna OP) innuttaasut amerlanerpaat kalaallisut oqalussinnaalernissaannut periarfissat paasiniarneranni siunissami peqataatinneqassasoq. Tamanna pissaaq suliap ingerlatap periusissiornikkut, iliuusissatut pilersarusiornikkut nassuiaatikkulluunniit pissanersoq apeqqutaatinnagu.

OP-p peqataatinneqarnera oqaatsinik perorsaannermi misilittagaannut taakkulu pikkorissartitsinermik/ tassunga tunngasumik ilinniartitsinermi aningaasaqarnermik ilisimasaqarnerat pineqarput. Naalakkersuisut suliamik ingerlatitseqqinnermi, oqaatsinik ilinniartitsinermi annertunerusumik ingerlataqarnermi inuiaqatigiit aningaasaqarneranni kingunissat allat, pitsaasut ajortullu, ilannguniarpaat, taamaalilluni paasisaqarnermik tunngaveqarluni suliamik ingerlatsitseqqinnissamik aalajangiisoqarniassammat.

b) Perorsaannermik ilinniarfimmuut sanilliullugu Oqaatsinik Pikkorissarfiup ilinniartumut ataatsimut ukiumut aningaasartuutai eqqarsaatigalugit Oqaatsinik Pikkorissarfik suleqatigalugu kalaallit oqaasiisa ilinniarnissaannut siammarternissaannullu periarfissat annertusarneqarnissaannik Naalakkersuisut kissaataata aningaasanut inatsimmut sunniutigisinnaasai paasissutissiissutigineqassasut ataatsimiititaliamit kissaatigineqarpoq.

Akissut: OP-mmi sapaatip akunnerani ataatsimi pikkorissartitsineq aningaasartuutini nikerartuni 35.000 kr. missaanni akeqarpoq. Maannakkut toqqammavimmi ilimagineqanngilaq OP-ip ingerlatsinera aningaasaliissutilluunniit AIS2014-imi qaffanneqassasut. Ingerlasunut amerlanerusunut aningaasaliissutinik qaffaassutit taamaattut periusiassiassaq/iluusissatut pilersaarutissaq/nassuiaatissaq tunngavigalugu pissapput, taamaalillunilu siusinnerpaamik AIS2015-imut ilanngunneqassallutik.

Apeqqut 5

Apeqqummut tunuliaqutaasoq:

Apeqqut 9.22-mut Naalakkersuisup apeqqutaa konto pingaarneq 40.94.18-imut tunngasoq.

Naalakkersuisumik apersuinermi akineqartussatut Aningaasaqarnermut

Ataatsimiititaliap apeqqutaa:

a) Katuaq pillugu paasissutissat kissaatigineqartut Naalakkersuisunit ujartorneqarsimanersut paasissutissiissutigineqassasoq ataatsimiititaliamit kissaatigineqarpoq. Katuap Kalaallit Nunaat tamakkerlugu Kulturip Illorsuatut atuuttutut ataatsimiititaliamit isigineqarnera pissutigalugu apeqqutip akinneqarnissaa ataatsimiititaliamit aalajangiusimaneqarpoq.

Akissut: Akissuteqaqqaarnermut atatillugu paasissutissat kissaatigineqartut Katuamit Naalakkersuisut pissarsiariniarnikuuaat, ilisimatinneqarlutillu "sumiiffinni" ingerlatanik nalunaarusiortoqarsinnaalluni ingerlatsinermik nalunaarsuisoqarneq ajortoq.

Naalakkersuisut Katuaq qinnuigilersaarpaat siunissami taamatut nalunaarsuisoqartassasoq.

Inussiarnersumik inuulluaqqusilluta

Nick Nielsen